



COMUNU DE CERÀXIUS
(Tzitadi Metropolitana de Casteddu)

**OGETU: IMPITICADURA DE SA CIRCULATZIONI DE ARRUGA IN SA BIA
SOLFERINO PO SA ACONCIADURA DE SA SEDI STRADALI**

**ORDINÀNTZIA DE SU DIRETORI DE ÀREA
N. 135 DE SU 18/11/2020**

SU DIRETORI DE S'ÀREA 07

Biu su decretu sindacali de su 18/03/2020 prot. n. 11372, cun su cali benint donadas a su Ten. Col. Dot. Marco Cantori, Cumandanti de sa Politzia Locali, is tareas dirigentzialis de Diretori de Àrea 07 Politzia Locali e Atividadis Produssidoras;

Bia sa istantza de su 18/11/2020, entregada de su Geòmetra Caredda Andrea, cun sa cali, cumentis responsàbili de su cantieri comunali Àrea 06, pedit sa spratzinadura de unu provedimentu comunali chi potzat impitica su tràvigu in s'arruga de bia Solferino, cun sa tarea de sighiri ainnantis in seguresa po aconciai sa sedi stradali bènnia perigulosa po sa presèntzia de una arrutroxa de sa manta de arruga aundi ddoi est su tzìvicu n.24;

Cunsiderau chi is traballus iant a depi èssiri fatu in sa gerronada de su 24 e, si serbit, puru su 25/11/2020;

Pensau de depi arriciri cussu chi ant pediu;

Biu s'art. 107 de su Decretu Legisladori 18 de Austu 2000, chi narat “Testu ùnicu apitzus de s'ordinamentu de is Entis Localis”;

Bius is artt. 7 e 21 de su D. Lgs. 30/04/1992 n° 285 chi narat su “Còdixi Nou de s'Arruga” e su D.P.R. 16/12/1992 nu 495 chi narat “Regulamentu de faidura e de cumpridura de su Còdixi de s'Arruga nou”

CUMANDAT

Po is diis 24 e 25 de donniasanti 2020, de is seti oras de mengianu finsas a is ses de meri (07.00 - 18.00) sa apariciadura de su proibimentu interinu de passai e de si frimai cun pinnigadura a fortza in sa bia Solferino.

Su Geòmetra Caredda Andrea:

- **est incarrigau de cuncordai totu sa sinnaletica sighendi is maneras previdias in su D.P.R. 16 de mes'e idas 1992 n° 495 chi narat su "Regulamentu de faidura e de cumpridura de su Còdixi de s'Arruga nou", in manera particulari sa sinnaletica de proibimentu de abarrada at a depi èssiri posta cun unu antìtzipu de a su mancu 48 oras ainnantis de su tempus de balidesa sua;**
- **no at a podi lassai chena amparu nisciunu acontèssiu de perìgulu po sa sarvesa pùblica;**
- **est autorizau, in dèroga a custa ordinàntzia, a fai aparcai is veturas chi serbint po sa cumpridura de is traballus imbordigaus.**

Su Responsàbili de su procedimentu at a depi cumpriri totus is tareas sighidoras, intre cussas s'imbiu de custa ordinàntzia a s'ufitziu pedidori, a s'Ufitziu Comunali Notificaduras, aici chi bèngiat publicada in s'Albu de su Comunu, a is Direotris de is Àreas Comunalis imbordigadas, a su Cumandu de Politzia Locali e a su Cumandu Statzioni Carabineris de Ceràxius.

Is Ufizzialis e is Agentis de Politzia Stradali, cunforma a s'art. 12 de su Decretu Legisladori 3o de Abrili 1992, n° 285. chi tenit su Còdixi Nou de s'Arruga, e totus is sugetus imbordigaus de manera istitutzionali, ant a depi fai su scrucullu e su càstiu de sa posta in menti de custa ordinàntzia.

INFORMAT

a totus is interessaus chi:

- su Responsàbili de su Procedimentu est su Mag. Antonio Milia;
- cunforma a s'art. 3, su de 4 comma de sa Lei 07/08/1990 n° 241, cuntra de custa ordinàntzia funt amìtius recursu a su Tribunali Aministrativus de Sardìnnia aintru de 50 diis de sa dii de sa publicatzioni o de connoscèntzia prena de su provedimentu, o puru recursu straordinàriu bia a su Cabu de su Stadu, aintru de 120 diis cumintzendi de sa dii de sa notificatzioni e de sa connoscèntzia prena de su provedimentu.

Su Cumandanti
Ten.Col.Dott. Marco Cantori
